


書

見素林先生集叙



蓋詩曰高山仰止景行行行



聘褻茲忱於先生素矣慚不佞僕

邀叨塵仕籍代匱留樞竊願私淑

而未逮廼先生孫及祖哀梓先生

集而屬之叙若謂不佞知先生者

不佞得卒業懽然神嚮藉手先生

集執鞭先生生平幸也願學士大
夫叙先生集者業纒纒具矣先生
當

憲廟朝毅然糾權璫妖僧於廷明之
罪聲震雷電而搏魍魎是韓昌黎
佛骨之表也

國史將大書特書之然而以國事皦
皦自鳴非先生志也而侈竹帛者
復豔譚先生伐先生填江右則藩
濠杜請涖川蜀則藍鄆授戈是汲
長孺之寢淮南趙清獻之撫西蜀
也兩國人固百世尸祝之而先生
則非偉勲伐為聲者若術先生文
則是編具在也疏牘先忠愾而後

藻飾辭章崇神理而薄俳詭是又
陸敬輿之奏議歐陽永叔之文章
而集其成者操觚士類能誦之不
佞忱無敢謂知先生請明先生所
以兼茲三不朽者夫人一心耳是
曰靈府一以紛華寵利滓其中萬
動窒矣先生善白沙陳先生探致

虛主靜之學雅性恬澹不以物累
滑心方起家為郎建言逮獄時曾
中已無死生何論利祿已而藩臬
辭者再填撫辭者十一鄉列辭者
十三最後典邦禁僑居省闈無少
牽位意其難進易退類如此是豈
紛華寵利得滓其靈府哉靜虛之

學蓋湛乎其澄淵乎其邃矣以故
挺為勁節鬯為駿猷蔚為文詞一
本之涵養學問中來者蓋昔諸葛
武侯際主也於漢家勲詎不焯爍
而托孤之節出師之表騰諸誦說
至今揆厥所原則澹泊明志寧靜
致遠寔本之儻以先生質武侯非

耶嗚呼先生之節之勲之文昭昭
垂不朽矣而睹先生之不朽亦必
有明先生之學者環寓內而遙曠
以百禩聞先生風猶然興起矧也
辱生桑梓之邦者乎不揣援是叙
先生集云

萬曆乙酉歲季秋上澣之日郡中

後學郭應聘頓首拜撰

馬司

馬司

見素先生文集序

文章以救時為貴中古來文若韓退之之佛骨表歐陽永叔之朋黨論胡澹菴之乞斬秦檜疏詩若杜少陵之八哀石守道之慶曆聖德之作之類排異端崇正道斥奸諛百世之下讀之猶使人毛髮森悚恨不生竝時而願為之執鞭也下此則鬪富誇巧雖極其工緻第取悅人耳目而於綱常世道無所關係焉亦奚貴於文章而必以是傳世為哉始予計偕至京師於士友家獲觀莆田見素先生林公為秋官負外郎時抗

身素先生文集 月
一
憲宗皇帝疏草三復流涕見其劾匪人糾權倖凜然鈇鉞
之嚴而血誠骨鯁溢乎言表殆揭日星而聳山嶽也
公雖坐是遠謫而一時國是士氣賴之議者謂與澹
菴一疏相伯仲文章若是豈非所謂救時者邪未幾
還公留都荐歷外臺長一旦拂衣去朝抗章夕就道
未始待報也越數載

先帝以言者起方伯不赴再起爲僉都御史持風裁於大
江之左右貪墨吏多望風解印綬去雖當路左璫素
號桀黠者亦爲之斂跡潛避公出而救時其事功之
偉又在在如是蓋不啻見諸文章而已也使公在朝

廷則必有以寢淮南之謀在邊陲則必有以寒西人
之膽而在山林則又必有以一絲而重漢九鼎者矣
蓋公精神心術之所寓有未易以尋常窺測者故發
而爲文爲詩或贈送或酬答或寄託雖體裁異制風
格殊指要之其歸與曩疏救時之意異者幾希矣然
則公之文章雖欲靳不傳於世不可得已而公方退
然以爲此特醬瓿上意思耳夫豈以是爲自足者哉
間手編成集凡五十餘卷而以其別號見素者名焉
不遠數千里緘書遺予曰子其爲我叙之得書時薄
暮矣亟篝燈快讀次日即促筆于以見予仰公之至

見素先生文集 卷之二
方以託名是集爲幸遽忘其誦陋且讓云
正德改元丙寅冬十一月上澣南海病夫張詡廷實
撰

見素先生文集序

賜進士及第翰林院學士奉政大夫 經筵講官
同脩國史東川劉春撰

文章之論著豈易易哉世固有勤一世於佔畢間矣
然心無所操氣不得其養則其論著雖工乃有謂之
不識節義者其於世教亦何所益損哉然心之操氣
之養亦非聲音笑貌可爲也學之正積之久而後能
真知獨見中有所主於是而行了無留礙譬如火然
泉達不可禁禦其視世之窮通得喪舉無足以動於
中者故其言之成文也理到而辭自達脩於身而體

無不立發於政而用無不行若此者豈易易哉副都御史莆田林公待用所著見素集者余得而觀之則皆自蒞官凡進諫陳謀以及應求於人所著其詩歌記序諸作體裁雖不一而奇崛奧博要非無所師資者而其心之操氣之養則余自信以爲徵於公而益不失也蓋公學有本原自上世即以儒術著稱而其忠義清約之操相傳世守焉其教於家以端其趨嚮者固非耳目所剽竊也比發軔刑部當

憲宗在位海宇乂安而一二倖璫得怙寵挾妖僧以肆其蠱惑之術縉紳之士非但無敢言而且有階之以進

取者公抗疏極論人甚危之賴

憲宗監其無他僅左遷遠郡未幾叙復

孝宗嗣統用大臣薦荐擢憲使已而乞休復起擢今職巡視江西又乞休見權倖用事累薦皆辭尋蜀寇麻沸今上詔起視事復上疏比諫懇誠剴切尤人所難言蓋雖其忠義出於所性然非學得其正其心之操氣之養安能視窮通得喪爲一也故其言有所本而能成家而讀之者自足以廉頑立懦非苟爲著述而已也然則文章之論著豈易易哉公宦轍所至皆有聲績可紀述至平蜀寇尤卓越益可見其有用之學矣以非

是集所繫故畧之公諱俊待用其字別號見素後進慕之咸稱爲見素先生遂因以名集云

見素先生文集序

賜同進士出身嘉議大夫順天府府尹前刑科給事中翰林院庶吉士豐城楊廉撰

天下之動惟天下之靜者能制之然事或既往何由考見亦惟即其言語文字之間而可以得之矣此予於見素先生西蜀奏議而知其爲天下之靜而能有以制天下之動也當蜀寇之起

廷議非先生無以靖之方家居

朝命及門即日就道捫參歷井彌望賊區先生經畧其間凡其形之章疏從容暇豫委曲詳盡有本有末有目

有綱味其詞氣真若處於恬然無事之秋絕無倉卒急遽之態有餘不盡之意往往於言外見之靜定如此宜其處事精明而有以制天下之動哉先生之靜其本安在平生不戀官爵不趨權勢不擇利害不畏強禦抗犯顏敢諫之節高難進易退之風舉世俗之營營無毫髮入其胸次此其臨事所以靜歟先生用兵以殺降爲大戒以撫綏爲上策大約如醫和治病不專於驅逐風寒而全在於調護元氣以故效緩而大率由於此抑唐大臣當元戎之任類辟高才名流以爲僚屬凡文辭之事悉以委之故雖以裴度之能亦用韓愈爲之叅軍是已

本朝文臣自巡撫贊理以至提督總制幕府公移皆出親構文之工拙亦惟其人先生以淹貫之學奇偉之資本之以仁義發之以忠孝其章疏故自不易得也此編乃先生門客范知縣府先屬予序旣而於其震噐武選達盡得而讀之輒爲僭論如此先生在蜀人畏之如神明或比之宋張詠今海內之士皆視其出處以卜世道而高臥不起其如蒼生何哉

見素先生文集序

四明張琦撰

堯禹咨俞成典謨出史官贊記之文中庸七篇爲子
思孟氏所親作非其當時方言謂語粗發而成章遽
若是乎其懿也是故言者文之形也文者言之精也
自夫問辨淺則見古之深習識陋則見古之粹曰彼
其時然而言然耳高視尚古心視下處以爵之噪終
莫爲鳳之吟逐流駛駛姑辭酬物於是乎望其復爲
古也難矣大都憲見素林先生蓋嘗卑此曰載籍所
書先覺之尊德行事皆夫人職業獨文乎哉是故翦

截陳言力欲攜今而還之古志于不朽既乃平蜀來歸嘗投予檢使觀焉覆而益續探而益深久然後有得論曰先生序事如杜預之溫詳志記如司馬遷之沈實銘書如彝鼎文之嶮峭短簡小墨如良工之玉屑得之皆可以飾簠簋而增華重然則古之文今之文與范宣子侈其先世爲不朽魯穆叔曰此世祿非不朽其在言之立乎雖久不廢先生顯祖開始于九牧之賢歷帝皇者五易姓而文臣學士滿天下范氏莫加焉先生無以爲也氣節勲能海內聞之數十年蓋立德立功胥之矣言餘事也而猶如彼乎用情哉是之謂三有立焉是之謂不朽

見素集文集目錄

卷之一

序

瑞竹詩序

送郭子聲入賀詩序

贈郁長史序

贈張希白序

送陳監丞詩序

送馮時用衡永兵備序

送憲副戚時望貴州兵備序

送別序

未感序

兩漢書疏序

卷之二

序

廖僉事挽詩序

北山倡和詩序

送王中丞董理鹺政序

送任宗海序

送丁玉夫序

壽宮保劉先生詩序

送李君德舉知長沙序

送范應禎按察福建序

壽東園鄭公七十序

贈查慈齋副東臺憲序

卷之三

序

西團張氏家譜序

送羅漳南考績序

邵武府續志序

秋堂事紀

南山別言序

送林世明序

送夏必順廣西文衡序

木蘭陂集序

城仙遊詩序

郡齋別言

卷之四

序

贈徐羅源奏績序

湖南道學淵源題辭

雪堂叙隱

邇言序

贈方松崖序

續近思錄序

東白集序

贈羅福之序

筍峰紀年綱目序

贈黃君參政廣東序

卷之五

序

彭惠安公文集序

壽戴孺人七十序

方忠惠公文集序

二忠錄序

竹江劉氏族譜序

入賀詩序

送周虛谷尹慈利序

白齋詩集序

庭荆意晚序

卷之六

序

宋丞相李忠定公文集序

贈鍾理夫序

贈周來軒湖藩右轄序

芝峰別言序

蔡文繼字序

小錄前序

贈廉訪姚東泉序

嚴滄浪詩集序

雲庄叙言

贈劉執齋入爲大理序

蒲坂鄭氏族譜序

南湖鄭氏族譜序

贈傅節推考績序

古厓詩選序

容春堂集後序

南征奏凱序

內江鄉先生徵信錄序

我齋歸山陰序

築堤林氏族譜序

元老木齋謝先生壽篇

四同年會詩序

正學類編書序

蔡虛齋文集序

艾軒文選序

贈黃后峰序

卷之七

序

贈姚督學報政序

烏石壽篇

雲庄叙懷

王南郭詩集序

畏齋存稿序

孝廉優獎序

送湯新之總憲江西序

贈張白齋報政序

遥壽元老韓洪洞公序

贈王石泉山東右轄序

贈龍蒲川湖藩左轄序

程氏姓源序

贈丁繼卿得代序

榕城別言

贈王石泉大叅湖藩序

榮壽圖詩序

黃鶴樓贈別詩序

少宰何公燕泉贈篇

大禮奏議序

金田王氏族譜序

辭謝錄序

竟陵孫氏族譜序

卷之八

記

九牧鋪記

墨竹記

倦還堂記

十德堂記

湖湘二友記

興化府貢士題名記

自然亭記

林氏重脩先墓記

君子堂記

息心亭記

湖廣貢院增脩記

卷之九

記

醒翁亭記

杏隱記

上坵山記

夢紀

木蘭烟水記

晦庵朱先生燕居記

孝友祠堂增祭田記

三功祠記

南平關記

槐庭記

蒞漳政紀

性善書院記

廣元教諭黃先生祠堂記

雪筠記

虛谷記

順晦記

靜齋記

卷之十

記

竹田記

城古田記

明建安滕氏雙阡記

四城門記

槎村范氏祠堂記

西水奇遇記

保和堂記

陳先生石齋祠堂記

悲齋記

竹亭記

卷之十一

記

龍溪脩復廟學記

杏壇授受記

味蘖記

城新城記

峰湖記

龍巖儒學改立記

歸全山記

吾道滄洲記

志樂樓記

方洲記

卷之十二

記

城東別墅記

二烈祠記

周氏西族總祠記

覺軒記

巖山記

錫重脩廟學記

黃卷黃氏祠堂記

考亭書院建修記

借溪記

寒谷記

鄱祭行臺題名記

餘杭重脩廟學記

太平別業記

后峰記

台州重脩廟學記

栗齋記

省吾記

天遊子記

三芳夢紀

期無軒記

卷之十三

墓誌銘

封工科給事中林公墓誌銘

故湖廣按察僉事王公墓誌銘

故陳母林孺人墓誌銘

翰林檢討林思軒先生墓誌銘

文林郎監察御史林西園公墓誌銘

中議大夫贊治尹興化府知府王公墓誌銘

南京國子監監丞林海峰墓誌銘

卷之十四

墓誌銘

封太孺人曹母李氏墓誌銘

白塘處士李公墓誌銘

故嘉議大夫都察院左副都御史周公墓誌銘

正奉大夫正治卿貴州左布政使黃公求我墓誌

銘

處士吳東軒墓誌銘

中奉大夫致湖廣右布政使事瓊山方公墓誌銘

致教諭澄渚俞榕原先生墓誌銘

卷之十五

墓誌銘

承德郎岳州府通判東臯陳君墓誌銘

龍樓陳立雪甫國泰合葬墓誌銘

黃卷黃君儀韶改葬墓誌銘

贈承德郎太平府通判談松軒甫墓誌銘

中奉大夫致廣東左布政使事林公訥軒墓誌銘

刑部主事黃西溪配安人吳氏墓誌銘

先妣黃氏壙志

明大倉處士周君必章配陸孺人墓誌銘

卷之十六

墓誌銘

明將仕郎南京武學教授黃抑齋墓誌銘

明奉政大夫浙江按察司僉事柯山柯公塞軒墓

誌銘

龍坡林母謝孺人墓誌銘

明橫山處士林覓隱墓誌銘

明儒林曹母孫氏墓誌銘

明平海衛左所副千戶鄭西庄墓誌銘

明瓢湖居士鄭朴軒墓誌銘

明尚書鄭東園元配淑人黃氏墓誌銘

族兄淳翁墓碣

卷之十七

墓誌銘

明進中順大夫致左長史事抱獨郭先生墓誌銘

明進中奉大夫江西按察使恥菴周公墓誌銘

明穀城林母封太安人姚氏墓誌銘

明亞中大夫廣東左叅政烏門黃君易庵墓誌銘

少子迂壙誌

明通議大夫都察院右副都御史林公豫齋神道

碑

明京闈進士雲霄吳子玉墓誌銘

明中議大夫贊治尹致廬州知府事孟公墓誌銘

明中奉大夫浙江布政使司右布政使三渠陳公

墓誌銘

明奉政大夫南京戶部郎中致仕自庵王公墓誌

銘

明尚義官梅峰曾君墓誌銘

卷之十八

墓誌銘

明資政大夫刑部尚書贈太子少傅謚文肅椒丘

何公神道碑

身素文集 目錄 十三
明中順大夫南京國子祭酒晉江虛齋蔡先生墓
碑

明國清林樸軒張孺人墓誌銘

明旌表孝廉文林郎監察御史梅峰陳先生墓誌
銘

明奉直大夫南京翰林院侍讀學士靜觀吳公墓
碑

平南碑

明襄府左長史食正四品俸進階亞中大夫慎齋
吳公墓誌銘

明封君桃村鍾鶴侶墓誌銘

卷之十九

墓誌銘

明尚義官洋城林公質庵墓誌銘

明資善大夫太子少保刑部尚書彭惠安公神道
碑

明進榮祿大夫太子少保工部尚書劉公神道碑

明封文林郎大理評事林公槐庭墓誌銘

明承德郎致饒州府通判事林公古廉墓誌銘

明贈承德郎戶部主事前埭鄭君敬軒墓誌銘

光祿大夫太子太保兵部尚書劉忠宣公神道碑
銘

明奉政大夫山東按察僉事江劉公墓誌銘
明進資善大夫四川右布政使致仕例進一階翠
渠周公墓誌銘

卷之二十

碑表

重脩岳武穆王精忠廟碑
惠新立文公朱先生祠碑
嘉議大夫南京兵部右侍郎王公墓表

奉政大夫廣東提學僉事宋君立齋墓表
尚義散官山沁陳公止庵墓表
亞中大夫四川按察副使東山黃公易齋阡表
中奉大夫廣西右布政使拙庵伍公墓表
上林處士梅竹墓表

文林郎錦衣經歷四雨林公墓表
中順大夫桂林知府方公墓表
閩三山素節婦林氏墓表
贈戶部主事羅菊泉翁墓表
長樂知縣黃公廷美墓表

卷之二十一

書

答韓貫道侍郎

奉謝木齋國老

寄韓侍郎

寄馬少傅

復李仲易

寄韓少宰

東楊碧川時權國監

答林太宰先生

東楊碧川

寄何少司寇廷秀

寄陳志學太守

寄馬鈞陽

與大司徒侶先生

與謝方石先生

寄徐大參廣賢

答黃都運

答文徵明

答彭美中

身素文集
目錄
卷之二十二
書
答方松厓

寄陳大參唐憲副

答費東湖閣老

與松厓戴都憲

卷之二十二

書

復王曰良憲長

答姚東泉方伯

復黃都運

復王曰良

遷定啓

復胡士寧

答胡侍御

復馮郡伯

復陳峰湖

復王陽明

與張廣漢

答程侍御

答楊遂庵

答鄭少谷

寄揚月湖

答王天宇

答泉山翁

答劉德夫提學

答二泉

寄毛汝礪

與蔡我齋

答孫德成

與馮行健

與席方伯

與馮郡伯

卷之二十三

書

復潘孔修

復蔡介夫

寄張東所

與答書

答西涯翁

答黃伯固

與林泉山冢宰

寄楊石齋

慰西涯翁

答黃伯固

賀楊石齋

寄孫司徒

寄邃庵

寄石齋

復孫九峰司徒

復劉文煥

復楊志仁

復段會憲

慰楊月湖

寄邵二泉

答張白齋郡伯

達孫大叅

寄元老楊石齋

寄蔣敬所閣老

寄孫九峰

寄陳元習侍御

寄白巖

復趙司空

寄陽明

復陽明

寄章風山大老

答周克之

寄彭幸庵孫九峰

寄陽明

寄胡少宰

寄李宮保

寄楊石齋

答后峰

寄邵二泉

寄蔣國老

寄楊石齋

答趙司空

復顏司空

答白巖

答山齋

答邃翁

簡幸庵

簡諸老

簡石翁

答張總制

簡石翁

卷之二十四

說傳行狀

邃庵說

因吾字說

族子伯隆字德符說

鄭氏三子說

彭良佐字說

壽州六子字說

字黃應軫君壽說

鴉說

傳

丁補齋先生傳

雙松先生傳

謝都憲約庵傳

行狀

贈文林郎監察御史陳公行狀

吾母安人黃氏事行

明文懿公楓山章先生行狀

卷之二十五

贊

南京禮部左侍郎樂清章恭毅公贊

族祖伯安公贊

方水庄贊

題達小像

題長城林氏始祖沙公贊有序

方體安贊

五馬行春贊有序

王石泉贊

鄭岳山贊

竹亭壽意贊

山齋行樂贊

黃后峰野服像贊

睦州公贊

端州公贊

江陵公贊

橫州公贊

韶州公贊

通州公贊

邵州公贊

循州公贊

雷州公贊

福唐公贊

福唐尉公贊

宗正寺簿公贊

同安公贊

知州公贊

同知公贊

縣尉公贊

三復公贊

處士公贊

敬齋公贊

菊庄公贊

陳永聲贊

卷之二十六

祭文

蘄庠祠先祖敬齋教授

鄉老祈雨

祭丁玉夫

祭夏通政廷章

祭宋氏妹

祭黃叔登

祭白沙陳先生

祭檢討子道族丈

祭黃未軒

祭鄭司徒東園

祭廖約齋憲副

祭蘓守林師召

謝晴

祭楊月湖父

祭教授祖生祠

為官兵疫禱

祭病死征夫

巴縣祈雨

謝雨

祭吳僉事景

祭汪洋指揮陣亡

達縣謝雨

祭魏少司寇仲禮

卷之二十七

祭文

祭邵州

遣祭從征指揮王英

祭始祖唐忠臣邵州刺史祝文

祭豫齋中丞

祭儲殖庵少宰

祭鄭元美郡丞

祭困庵

祭抱獨郭先生

祭黃大叅伯望

祭楊石齋乃尊

祭東所

祭大師涯翁李文正公

祭大司馬劉東山

祭陳如賓孝廉

祭困齋

祭楊志仁少司寇

達縣謝雨

祭魏少司寇仲禮

卷之二十七

祭文

祭邵州

遣祭從征指揮王英

祭始祖唐忠臣邵州刺史祝文

祭豫齋中丞

祭儲殖庵少宰

祭鄭元美郡丞

祭困庵

祭抱獨郭先生

祭黃大叅伯望

祭楊石齋乃尊

祭東所

祭大師涯翁李文正公

祭大司馬劉東山

祭陳如賓孝廉

祭困齋

祭楊志仁少司寇

五言集文序
目錄
跋李西涯墨蹟

題淳熙贈黃知稼告身

李長者誥敕跋

鸚鵡翡翠解

舟神紀

鼠雀對

馴虎解

郭巨辯

毒虎解

俟軒解

泣麟解

木蘭開劇

題以古卷

聯桂族範

家範

跋孝友堂卷

孝友堂跋

懷諸老二十六詩小引

鄉飲酒跋

題宋太祖擊毬圖

身素集文序
題邃翁贈幸齋卷

跋趙松雪柴辛書畫

盡我箴

阜俗三義

禁約民害

見素文集目錄終

見素集卷之一

後學黃佐校正
孫男及祖重梓

序

瑞竹詩序

丁未盜起贛州介閩之間蟻聚而蜂屯郡用大擾 今
上嗣大曆服若曰今惟民弗靖其撫之來與之維新人用
去罪死齒平民有以自効惟茲渠黨猶干天罰迺拜王公
述之爲都御史其往循之聲威所被脅從解散渠首俘而
還郡告康又公歸自汀道過王臺之左有竹一本葉白而

材桂

莖葉異常竹然根植寄於浮塋風露分於凡草容顏枯悴
負抱鬱結如鹽車之驥在林之鶴欲自見而未能者公心
異之剗其荒穢溉以泠泉輕飈徐來柯葉踈理意態欣悅
瞻盼久之顧而思曰竹遇知幸矣舍是而往穢可使毋滋
泉可使毋涸達陸之衝樵蘇還至其又可使毋伐耶于是
移之于是植之憲臺之右灌溉護持昕夕坐對若羅致而
抗禮者因紀以詩聞者屬而和之卷成太守陳君宗器屬
俊爲序俊熟公聲望于士夫間植竹其將以自況也凡物
常于同瑞于異閩南竹箭之美布滿山麓而是竹挺生不
樂爲伍雖出於荒榛宿莽之中其所謂瑞而自見者恒未
泯也又况置之深巖沃壤之地以全其孤虛勁節之性其
拂清風凌霄漢旁致同流垂陰宇內亦孰能禦之耶俊不
敏將爲竹以謝公知又因公以感竹之遇也夫事卽類以
推餘竹失其所猶將植之况靈於竹者乎竹之瑞猶愛之
則瑞于竹者又可知矣俊又以知公之心將無乎不用其
至也公事 明天子爲大臣時有可爲位有可致才若
力又足以充竹若有知將剗身青簡以紀公之休烈于無
窮所不辭也

送郭子聲入賀詩序

七月三日 上萬壽節臣工胥慶萬國方來雲南地最

遠駿奔走最先同寅僉事郭先生子聲奉臬表當行先生
闔朗軒豁嗜義如飲食由進士選兵科給事中抗節敢言
憲廟郊甘露降大臣議當賀先生疏不當賀可之遂
爲輿論所歸晉都給事中通政叅議僉都御史巡撫宣府
大同遼東坐同事失律不欲自直落六官出知射洪用大
臣薦陞今職敷歷中外幾三十年義槩汪度足以勝之故
處上處下在榮在辱無施而不宜予嘗私評先生之量蓋
所謂澄之不清溷之不濁者也夫觀人者不於其大於其
小不於其順於其所逆亞夫之忠勇長卿子厚之文章一
失所志懣悶悲憤卒至夫不堪惟元城檻車之徵神色自

若文忠以爲鐵漢然則先生其不賢於人遠矣乎士君子
惟義爲可從命爲可安聖賢爲可法否徒赫赫無取而偃
蹇敗踣顧爲士大夫之所推愛况夫起而仆仆而復起而
又卒無愧詞者乎或疑應州之戰爲先生病者夫乾時之
敗春秋榮之姜維伐魏累舉不克綱目書而不貶討賊之
義不可一日忘也已已而降虜勢寢張今年寇雲中明年
寇鴈門喋穢我邊徼創毒我邊氓未聞有冒其風而震懾
之先生鼓義深入獨挫其銳卽不幸不樹有奇功而賊虜
亦自膽落數歲之間少入爲寇然則先生之志之舉豈誠
無得也耶春秋綱目固未得而深貶之也予故爲討賊大

身素集卷之二
義詳之若夫茲入也華封之祝金鑑之獻忠貞之篤則先
生之所自盡予之私杞梓之收瑤環之賜股肱之付託則
聖君賢相之所必盡而亦予之私贈行詩成予僭序
諸首

贈郁長史序

魯盡儒服哀公使人號諸國曰無是道而是服者幸及身
服者悉變旣之獨一存詢以國事無失莊生曰以魯而儒
一人焉夫魯多君子孔子嘗云然固哀公時人也莊生豈
寓言耶將以儒爲訕耶 國朝以人文化成天下養之鄉
校收之科目曰儒生分教郡縣陞之太學曰儒師職館閣

列侍從曰儒臣以至外服內服皆儒取之他之科不與焉
豈非儒可貴而然耶今之儒固多也服是服而有是道徧
天下非徒如孔子所稱而已也江浦郁君以禮經薦京闈
儒生也三歷學官再教國子儒師也雖未登館閣爲從臣
然今職長史爲 親王首相儒臣也以儒臣輔親王君德
之修否國政之弛張風俗之隆污皆係焉君將幸儒之用
而不收儒之實乎盡忠以事上正己以率下主德顯而身
名章邦國安而福祿隨之使國人稱願曰儒哉儒哉君之
立其不旣偉乎昔董仲舒相膠西王王聞其大儒厚禮敬
之夫膠西驕王也猶知敬儒今之魯非昔之魯也守禮秉

身素集卷之二
義世有 今王儒如君其有不敬者乎吾又知君之道必
行於魯無疑也儒之效不白於世久矣君幸勉之庶幾如
吾孔子所稱而毋爲莊生所訕也濱行監丞陳君正初偕
諸僚采請曰必有以贈郁君俊因與論儒然耶否耶必能
與魯諸君子評之

贈張希白序

閩邑張君希白性沉毅力讀書組織文字成化甲午以麟
經魁八閩薦明年登進士又明年拜南京大理評事歷寺
正副凡七年擢拜淞按察僉事筮日戒行秋官林君廷珎
以贈言委昔長安圩鏝計功而食柳子舉受直怠事爲入

官之戒古今宗爲名言希白起布衣數禩而膺一面雖危
巒下石桅颿之飽順風取疾無踰是者然食不可素而直
在必償世厄于飢者致哀而與一飯則誓死論報至階一
官被一命其章服足以文其身其祿入足以仁其三族故
舊朋友顧視之當然恬不爲德及期未調於邑徬徨鬱勃
如不能生叩所職不什二三乎舉質之由曰某若某非不
知不可問也事立而謗興法脩而屈辱至嗚呼不能事者
不受直食食者必功曲藝則然謂士而不逮是其可不可
耶彼不知者不明也知不爲者無勇也忘恩者昧也圖進
而不止怠事而不以告以稱諸能者貪以惑也嗟夫渾樸

見素集卷之一
序
五
既散澆風日鼓以吉而不案掾吏勸相慎重取大官以普
而簠簋弗飾以真卿而不知退他又可知矣則士之病于
是又不但今爲然也然則其孰能反而正之奮發思勵以
自方圩鎔之論無愧柳子之云耶希白方實敦雅重內而
簡文不爲威富異法窮獨無告咸依以生曰公廷尉吾屬
其平其固知而必爲如此浙首諸藩其司之長貳又多仁
賢君子希白其將暨乃僚矢心膂叶恭將事償直而計功
以能其官綏齊民風示天下無負所委任無惑也廷珎曰
子之言然書爲贈希白序

送陳監丞詩序

國子監丞陳公正初滿三考以老乞骸骨休于家六館師
生留者十餘人狀數十上大宗伯少宰而下以及科道郎
署之士夫井野行道之人咸謂大學繩糾之任非公不可
或者謂公例晉秩翰林未宜以是官去公毅然曰壯而仕
老而休人情也吾年且七十氣之盛者日益衰聰明之昔
有者日益耗且故園就荒計歸故已晚矣秩之崇庠則尤
非吾志也竟之不欲留俊聞之是諸人而歛容于公蓋公
歷官垂四十年始終如一日持行純白真可以廉貪立懦
與古之楊關西趙清獻者侔而師道之尊教法之嚴則楊
次公胡安定其庶之矣引身知退末路不迷則又與疏太

傳楊少尹奚異然留公者公論也決去者自處也或者固
無論矣車未及膏厚公者預以詩言別私淑景慕而得諸
人心之同者無問識不識亦有詩獻積如束筭然後交公
素厚未忍噤無言乃偕院判周君原已郎中鄒君宗道陳
君時安員外郎林君長深馮君朋玉宋君惟寅主事王君
廷光婁君元善龔君元之儲君靜夫凡十一人摘支遇各
百韻闡爲聯句以贈公行李贈別之作故無是也俊來官
南都觀諸老引身之榮頌歌餞送之盛惟大司馬三原王
公介庵冢宰吾邑陳公愚庵大理卿乾陽宋公克敬及公
蓋四見焉三公者躋位通顯澤易流而聲問易以被公一
教秩顧出而與之並則又知清脩獨行無處不可固不以
位散要拘也俊故揭而大書之與有志之士胥勉焉

送馮時用衡求兵備序

兵備以文可乎曰可兵以文爲種以武爲植審利害察安
危文也犯強敵力攻守武也相爲用而不可以相無故曰
文與武左右也先王經國以邦政付司馬而徵帥布令冢
宰實專之無燔屋垣無取畜牧無傷老幼不加喪不因凶
不窮不能明仁也成列而鼓明信也利不爭明義也降不
殺明勇也審事幾全制勝明智也謂非文能之乎專之武
則反是批亢而擣虛賈勇而售力襲其無備攻其不意緒

其人民灰其室廬撤其窖廩盡利其所有故文而兵禦亂也武而兵爲亂也專之武而將之兵縱亂也國家深監于此全師付總兵都御史叅之偏師付叅將兵備又叅之百餘年來民不識兵兵不識戰其有由然哉弘治壬子衡永兵備缺員四明馮君時用以按察副使授 璽書董其事君文獻得於鄉詩禮得於家切偲得於師友刑名得於官序蓋文之尤者也僉臬湖南甚久利害之機安危之勢險易虛實之形固心存而目熟之矣移而治兵於武乎何有然請終其說焉聖人制棺也不欲使人用制醫也不欲使人求制兵其得已耶漸以仁摩以義節以禮和以樂不得已則刑焉有輕典有中典有重典而又不得已則兵焉兵其得已耶有虞不賞不罰夏賞而不罰殷罰而不賞成周有賞有罰則今固賞罰之時也其可毋兵乎然兵備以文又以按察任之可仰窺 君相之意矣曰仁義禮樂兵刑奚居曰毋亦仁義耳禮樂耳刑耳然則曷爲而言兵曰備耳

送憲副戚時望貴州兵備序

兵備邊之重寄也捍外侮綏內附置人國於乂安不搖實藉於此 國朝文德覃被海宇寧謐允擇老宿憲臣膺兵備以填撫邊陲致治保邦之慮精且密矣貴州都勻生苗

身集卷之一
寇邊鄙者四十年

上度不可撫乃命將征之王靈所

振脅從風靡渠首俘而還于時兵備以戰功遷秩去銓司
惟凋瘵之餘撫循控御非其人不可乃以永寧授金華戚
君時望都勻授西安周君鳴岐皆以僉憲晉副使授

璽書蒞其事上聞

制曰可俊舊蒞滇陽鳴岐同官也

來湖南時望同官也二君皆時偉人膺簡以去無亦公為
得人賀私為得友賀耶戚君將行同寅周君文化賦詩為
別諸君子咸和之以序屬俊夫制治易致治難致治易保
治難方苗之始也同仁垂育則苗被吾化惡不得而萌既
萌矣申畫郊圻則苗知吾守惡不得而漸既漸矣來則擊

去則勿追則苗懾吾威惡不得而熾既熾矣兵又可已耶
則格鬪之苦輸輓之勤驛書之旁午功雖告成其為勞亦
甚矣曷若制其初之為愈乎戚君茲行或謂可高枕無事
者然飢者思食勞者思息瘡痍顛沛者思以蘇穴居露處
者思以覆蓋而衣被內治之責其亦繁且難矣况苗犬羊
之性難安易搖往之大堤嘗征矣謂無大堤也西堡繼之
又謂無西堡也都勻繼之永之拜子烏合鴟張殺越人于
貨又都勻之漸也其誅之抑思以處之耶曰樹風聲旌別
可為也賣刀劔力田可舉也置博士學校可興也分南顧
之憂廣一視之仁以潛消其獷悍之性保其治於無虞實

不外此戚君粹雅而靚深其壽是亦素矣會周君幸共摧
之

送別序

古稱詩窮人文章憎命達宰物者固不若是靳也人有欲
則爭名之於朝猶利之於肆又欲之尤也欲必爭爭則必
怒而變以求勝宰物者亦容得而深庇力禦之哉後而千
百世獨耀聞焉則宰物者之終惠而爭者迄莫置一喙其
間周公孔子大聖人也流言於管蔡毀於叔孫武叔而其
道益明下而司馬子長班孟堅李太白杜子美韓退之柳
子厚歐陽永叔蘇子瞻諸賢率以德業詩文名名天下楷

模後世與三代而上幾頡頏然皆遭迴躓踣時遭貶竄容
或滯一官夫蹇其時嗇其位拂其志故德業益盛而詩文
益以昌宣溪王先生世賞其然乎先生大司寇恭毅公佳
胤童丕舉進士官翰林益讀中秘書發爲詩文英爽典麗
如大賈之肆益索以有同時名輩莫敢撻其鋒甘北面者
亦往往有之 今上在春宮先生日侍講筵時見眷遇

坐爭者陰中竟官留都然先生詘不久窮不極又將進而
都顯秩佐 明天子藻會人文宣昭鴻化以比良班馬

兼麗李杜集韓柳歐蘇之大成則宰物者玉成之心抑亦
先生之責之慮也爭者寧得終掩之哉先生使岐藩道武

昌偕沈思古諸君子倡和聯句凡若干首俊裒爲卷序其所以爭者以贈行李以公天下後世之人心爲愛才者地也傳曰良賈深藏若虛君子盛德容貌若愚惟虛惟愚則人不爭先生蓋熟此矣

永感序

黃門胡君聲之尊甫封君卒黃門哭甚痛柴瘠殆不能生俊往弔焉曰曷以禮自將黃門復聲嗚嗚曰生其云何比閱月再弔焉黃門曰金夙歲喪吾母客歲喪如母而今復喪吾父往而不可返者親也誨言在耳手澤俱存而音容不可復卽木欲靜風弗停吾奚生爲遂哭幾絕一日黃門

出永感詩屬予爲序以系其思嗚呼黃門之思其親其亦可謂至矣昔子路旣貴思負米而不可得毛義親終而隱曾子曰吾初爲吏祿不及釜欣欣而喜樂逮親也旣沒之後南遊於楚得尊官焉堂高數仞傳嘗百乘猶北面而泣不逮親也故椎牛而葬不如雞豚之逮存居處笑語之思於悽愴奉祭之時視承歡膝下何若也然修短有命不可必而致則有幸不幸其間者有具慶有偏侍有永感具則樂偏則感永感則尤難乎爲情者滄海可填白石可爛而此恨不可窮蓋壤間迄無人子地者其感寧有旣耶吾聞君子付不可能於天責可能於已子報其親百爲之而不

過蓋還以施非增益以與之也人稟氣於天賦形於地而
孕育於父母舍父母蔑以爲心者體曰遺體何膚髮之敢
慢德曰世德何言行之敢違學曰家學何記誦之敢廢運
諸心思著諸論列措諸事爲本諸身刑諸家達諸國天下
無一而不致其至德立而道尊譽揚而親益顯其於地下
庶乎慤矣否則墓木徒號泪徒枯五內徒崩裂如遠且大
何哉是爲之序

兩漢書疏序

文章與世道相軒輊六經曾論渾噩簡野孟氏雄以肆至
戰國而極矣中間老聃左丘明韓非荀卿列禦寇莊周之

文閎深奇詭竝列名家西漢公孫弘晁錯賈誼董仲舒司
馬遷劉向諸人樸直峻整壯麗而辨博庶幾古作者漢而
東楊震孔融班固輩流習尚對偶氣駿卑弱夫世日降風
日漓文體日趣以薄其勢然也然亦豈三國兩晉例論哉
唐宋文章名家韓退之學史記柳子厚學西漢曾子固學
劉向蘇子瞻學戰國亦剖其藩升其堂者矣夫文不難於
華難於質不難於煩難於簡不難於奇曲難於拙直嘉祐
間歐陽永叔務黜險恠崇平澹格始一變予嘗私評作古
文字須削去近格專志六經曾論翼以孟氏書參之穀梁
國語離騷史記以集文章之大成以盡其妙以追古作者

身素集卷之二
三
爲徒蓋竊有志而未能也同年縉雲周君文化副憲湖南
間出尊府封監察御史怡菊公手抄兩漢書疏見示授而
閱之再旬廼嘆曰參苓薑桂藥籠中物有志學古文者此
書可少乎哉疏中所載曰正心以正朝廷正朝廷以正百
官曰太子在早諭教選左右曰正臣進者治之表曰舜正
二女以崇至德曰天德無私親順之和起逆之害生要之
皆爲至言廼若婉而諷頌而規特立而道不渝盡言而主
不怒則又古三代君臣忠厚遺意可風示後世無疑者殆
將不直古文之師而已因正其訛謬別爲卷凡十六謀諸
同案刺梓以傳廣公用心云耳公名珎字廷璋先教是職
也

剛實莊整讀書老不厭所著有應酬稿觀書類記皆可傳

見素集卷之一

見素集卷之二

序

廖僉事輓詩序

後學黃佐校正
孫男及祖重梓

鬱于中而泄於外者言也善易以公而宣之不平者易以
激嗚呼孰使予激而公言者寸瑜尺瑕十珠而九以類同
時如德徵君厥亦無滿數指矣廖世澄坂農家君且耕且
讀遂第進士授大理評事服內艱忍貧匿晦退然若無官
耕媣時斗笠草衣偕群農荷畚鍤輦糞壤星言南畝以去

見書集卷之三
人曰公貴官不可爲是君安遣之卽事如初跡不涉城府
村叟畦丁迄不知有廖評事部使者亦鮮知者服除如京
要人問家政君對盡甚在座吐出舌都御史朱公英中貴
人交惡成獄君辯雪之靜澹恭恕爲寺正允平反專慮刑
書蓄勞成疾醫諷調攝君曰近頗食肉醫曰幾何曰日市
四兩醫詒曰果盡曰損惠兒子幾半醫笑嘆涕出赴湖南
按察僉事道死楊州妻括簪珥市棺弗辦鄉人楊知府贈
焉櫬歸薄田喪盡三丈夫子弗諳農勤士業卒未効百指
仰紡織無富親友可依嗚呼其命矣乎易君之爲自可致
富假弗死自可致弗匱成歎子名自可有立顧窮以廉窮

以天窮以子弗售高之無宗元之中立東野之宗師卑之
無叔敖之優孟軫念惟予亦窮而已矣嗚呼其命矣夫拂
膺拊髀孰使予激而公言者言不言於君固未嘗損益也
嗚呼冷煖恒態盈虛循環恒理泡沫風燈其不可恃亦故
矣僅把之松庸知非參天具物予言可信君後決不窮窮
非君也序輓者之詩歸知時兄弟使交相勸速我之立以
徐觀天者之定以饗君之貽焉

北山倡和詩序

京圻文物淵數衣冠而遊不竝郡邑士事事之暇寓詞咏
歌陶寫情性俊不類具負兩京秋曹以聲律從諸君子後

受知深而荷誨益者北有十君從大南有王君元勳從大
詩閑肆警敏窮情盡變如電掣星流矢發機而馬歷塊也
與之遊者六年元勳雄深雅健吐語驚人而格調亢爽興
致逸發如仙裾輕舉野鶴之離風塵也高山出泉而風雨
夜至也與之遊者一年疑焉資以解之非焉資以正之不
知焉就以問之二君雖予友詩固予師也然北之事繁又
居闐闐鞅掌中自公一見而已南事易以簡爲署揖鍾山
枕玄湖翠竹白沙浴鳧飛鷺紛錯而前陳寓目寄懷真足
滌塵慮豁煩襟而遺外聲利俊與元勳每昕夕往還其間
或引轡徐行或軒衣聯步或翳嘉林藉芳草或陟山椒以

達江南之觀石城天塹之勝風物俱收有倡斯和元勳尤
樂引同輩如寒與衣飢與食病而投之劑也故俊獲遊雖
不久而得吾元勳者將不讓吾從大也從大僉憲湖南予
亦來南都方將資元勳以卒業元勳復有湖南少叅之命
豈岳鄂山川之靈拔二公以往宰物者抑予忌而爲之限
耶元勳鬯茂縝理知名士咸願內交及茲言別皆不能忘
情者北山設祖相顧怛然元勳作留別詩衆和之元勳執
爵而起指北山而言曰亨會匪常曷繫之懷吾儕其毋忘
茲山又言曰純終領聞勇退急流吾儕其毋負茲山衆用
覘元勳之欸欸其不恣以酣惑也引觴共流一笑而別詩

若干俊占序其首且致予私 云然

送王中丞董理鹺政序

虜爲邊陲患師往征之先事開淮南鹽實邊商無往者戶部以鹽弊 聞廷舉風力大臣董其事上八人琅琊王

公廷采在馬上擢公都察院右僉都御史奉 璽書以

行蓋公由進士爲知縣監察御史光祿少卿直節廉問自

結主知及是晉南京鴻臚上卿裁兩月九隆遇云載脂巡

撫彭公總督葉公舉贈章授簡於俊嘗聞之鹽法興於管

仲其後桑弘羊第五琦劉晏諸人毛收繭聚千時而取寵

利源竟不可塞然沿山澤之有充軍國之需縮漕輓之勞

致倉庾之實猶近道焉肆在 國朝循以無廢而闔關利

柄驅駕商賈胡昔然而今異也彼誠利而趨之耳古之法

有芻粟則有鹽引其原甚清也今則有賣窩之名有鹽引

則久次視支甚簡也今則有勸借公使之名鹽取私市以

實官又甚苦也則又有出倉掣引之名費于私門者如此

罷閑之弄舞遊俠之縱恣恃短長以漁已利餌巡官則張

口狺狺 食其肉無厭困于無賴者如此行鹽故有地今

衡求則廣昌信則閩南陽則河東分于越壤者又如此近

戚私人夤緣賞賚在滄則多夾私鹽銜尾以進在淮則攬

越抵冒盡廢常格其阻于怙勢者則又如此無惑乎鹽商

解體而深避也公奚致之樂趨哉私門可革也無賴可懲也越壤之分怙勢之沮賣窩之占抑能盡澄之乎其不然避者終不至矣國奚以富邊奚以實固有任其責者夫燭宿弊而舉大臣也剔宿弊而慎以付公者 聖天子也 有不得行無不得言有可得言則亦無不得行者矣易損下爲損裕用莫如節理財亦自有要淮南七十二萬之課有常額焉大曆之末鹽利半常賦元祐有加至紹興則泰之一州已踰其數是非所以望君子也

送任宗海序

江之西大省也人秀而服儒吾伊佔畢連東西家焉田叟

村昨下逮執役之賤亦口掇書史援章條以相擠軋大吏至則旁聽不睨以下上其譏評適當其意吹聲鼓譽恒若弗及其弗然媒孽以甚其真其亦弗少矣故官于其地才能之收叙恒首屯藩而庸冒僨事亦往往而有温江任君宗海之爲江西按察僉事翰林學士紫崖馬先生來速贈言先生文章家不自爲告欲以公諸人示信重不自其鄉始也其可辭君慎密澄瑩由進士拜行人積有賢問遂拜南京監察御史彈劾不避批逆麟而幾不脫虎口者屢之其按鳳陽監龍江商課也宿蠹梳爬風裁尤炳烺可諭左璫失故利私患苦之然對人必曰真御史真御史江西聲

烈其無是豫占耶夫訊讞之司激揚風紀之任無所擇於
中外邇踈焉爾策健馬駕輕車以載馳乎熟路無憂其弗
至矣古者赭墨其衣冠而禁行人肅後世法日峻犯日以
多日械攣馱朴其無畏也獨何歟禮義不施而廉耻之風
無足以勝之也夫冠九人髻一人則髻者視爲耻三之一
羣忘之矣半則又忘之矣髻九人冠一人則冠者顧獨視
爲耻故禮義廉恥是爲四維風化大機軸在此也先之以
禮義以立其防重之以廉恥以端其避趨之路夫然後刑
以示警則其始也人畏之中也人愧之終也人服而習之
以率教爲當然失禮入刑爲大誠夫何患貪者不廉暴者

不良矯僞者不誠信以自將轉移感動之機有不自我者
乎昔晦翁先生提刑浙東以嚴爲治清獻公官成都以惠
利爲本至於治杭誅鋤強惡姦黨魄落寬猛翕張之政宜
亦有可思者先正有言一家哭何如一路哭不善人之不
去善人之賊也君必勉之吹聲鼓譽將遍之江之西以達
之朝堂之上雄秩峻命容於君獨捨朱趙行業予於君
深冀焉弘治辛酉七月上浣莆田見素子林俊書

送丁玉夫序

南京禮部郎中丁君玉夫擢提刑按察副使授
董學事廣南君初以中書言天下事倅遠州
上念之

璽書

三以職事起于家及是未四月有是拜大臣之所簡聞
天子之所超叙視凡格數等以首勵廉退崇士風固非
直廣之得君與君之道之得行於廣也君獨味道腴力探
理奧超見特悟趣尚甚高將門戶陸呂堂室朱程藻會乎
韓歐以華其文未弱冠卽抗顏弟子師立行輩床下不爲
愧芥拾科第不爲竒描摹媒孽搖曳而頓撼不爲挫冗散
不爲卑進不爲榮頹垣腐棟殘甍斷礎而居不爲危衣鶉
竈畫無足隱乎中而有所繫非深於道能之乎徵諸往則
其來可知也持衡運軸廣人士將司平致遠于我者矣海
南之風其無翕然矣乎或疑世以文章第倫魁服有官序

丁君道雖工其如世弗重何予曰是未然文道之器也不
深於道而能文者希矣夫山不自輝惟玉之所爲水不自
媚惟珠之所爲文不自工惟道之所爲文而不深於道未
見其能至也屈平之怨刺宋玉之柔婉莊周之縱放揚雄
之艱深文乎哉韓昌黎歐陽六一因文入道至而未至者
也道之至者其文雅以純簡以肆闕以雋永麗以則神暢
心舒而剽煩理粹叢寄穹受綽有餘意子奚文之是而道
之遺耶然又告焉古之道無負於今今之人未盡然于古
也庸有與君爭名者矣抑均有責也子瞻賢者也未嘗脫
攻洛之一癡自爲者固將以自劓矣君亦無預爲程叔子

三以職事起于家及是未四月有是拜大臣之所簡聞
天子之所超叙視凡格數等以首勵廉退崇士風固非
直廣之得君與君之道之得行於廣也君獨味道腴力探
理奧超見特悟趣尚甚高將門戶陸呂堂室朱程藻會乎
韓歐以華其文未弱冠卽抗顏弟子師立行輩床下不爲
愧芥拾科第不爲竒描摹媒孽搖曳而頓撼不爲挫冗散
不爲卑進不爲榮頹垣腐棟殘甍斷礎而居不爲危衣鶉
竈畫無足隱乎中而有所繫非深於道能之乎徵諸往則
其來可知也持衡運軸廣人士將司平致遠于我者矣海
南之風其無翕然矣乎或疑世以文章第倫魁服有官序

丁君道雖工其如世弗重何予曰是未然文道之器也不
深於道而能文者希矣夫山不自輝惟玉之所爲水不自
媚惟珠之所爲文不自工惟道之所爲文而不深於道未
見其能至也屈平之怨刺宋玉之柔婉莊周之縱放揚雄
之艱深文乎哉韓昌黎歐陽六一因文入道至而未至者
也道之至者其文雅以純簡以肆闕以雋永麗以則神暢
心舒而剽煩理粹叢寄穹受綽有餘意子奚文之是而道
之遺耶然又告焉古之道無負於今今之人未盡然于古
也庸有與君爭名者矣抑均有責也子瞻賢者也未未能脫
攻洛之一癥自爲者固將以自劓矣君亦無預爲程叔子

重之者甚至今年壽七十三七月望又二日壽之辰南都諸大老賦詩爲壽俊受知公不容無言夫脩之身施之事文學政事信今傳後無疑也區區之歲月胡足爲公壽哉抑彼勞一生爲世道地今始息煩解要飯有公粟無患乎罷無所歸役有公卒無患乎徒御之散林風川月有樂而無滙村叟溪翁有戲而無虐於世無求於物無競蒙莊達生元亮隨化吾不知山中歲月與當官何如世人莫不瞻敬搢紳士倚爲矜式彼落落無聞樗栲閱世者惡容一喙論哉吾閩人物林公莊敏陳公康懿彭公惠安及公稱四賢公獨歸然靈光殿我閩服固非獨受知之私慶也昔富

鄭公以司徒李文正公以司空致政爲耆英九老之會今公亦司空嘗貳司徒視二公爲無愧者年宿望鄉儕輩宜多矣嗣是有會將於鐔見之不知是日有溫國有方外名流幸致吾詩盛傳美焉

送李君德舉知長沙序

唐憲宗時李逢吉請示威李絳進曰王者之政尚德不尚刑上是絳羊杜守襄陽後之人思羊之深杜不及焉德刑之効異也長沙古湖湘重鎮限五嶺界洞庭川岳孕淑忠節成風而偏村下聚豪宗甲姓相蟠結逋租稅武斷強食不可爬梳以理吠聲所流則曰郡難治難治守者至輒臨

以威予嘗過其處守以輿夫弗辦索健隸拳其耳根予疾
止乃止曰是非是弗治又過守者尤嚴杖人動百數予假
事以諷曰凡牧在拊循答人比二十廼已守陽諾別去繼
見言曰適教言長沙萬不可治近指原役某猶杖之至百
死者十二三民猶視若故常誠公言如長沙何予曰則顧
重之耶去歲月予更繁湖南書公移之尾曰省刑罰以重
民命勞撫字以宣 皇仁其人愧畏而刑遂就簡嗚呼
刑聖人所需齊世不得已而用者也治民如治繩急之則
勢不可理剛而獨任亦難矣南京刑部郎中李君德舉之
出守長沙也其同寅尚君美信戴君景伊屬予贈言君浙

之台州人浙多賢稱天下文章氣節台又其尤也君聞見
而知亦熟矣其爲得亦既深矣不然胡卓卓然之若此也
君簡遠冲邃粉墨內真而服官繩已綽有次第在刑曹踰
十年權物銖兩而人無冤稱爲司寇所委信儕輩推先長
沙勞望將無如刑曹時乎夫旱久則澍甘風霜凜冽陽和
益自可愛叅以數宜亦有君以更化其後以起長人之速
蘇也至愚者人而至靈易感者心也誠則動仁以摩撫則
易悅而從故蒲鞭治不撻一人亦治深文峻政救火揚沸
者顧以長姦而破觚斷珣禁網疏闊竟以裨俗而成化由
是觀之在彼不在此也或曰催科無善政守先事在此也

長沙逋賦十數年甚者至欲臨以兵子欲德舉以優柔成治其或未然予曰是所謂誠之仁之之道也夫律吏姦則無私擾防民欲則儉而省費課農勤則無蔓草而庾有餘粟教則禮達而知分子惠則民父母之輸賦以急公上均是心也夫弗治其本治其末則曰民頑民頑豈惟民之故哉德舉固有以辨此矣不然諸君子所以深服而委重者果誠無見予亦將蹈失賢之責矣

送范應禎按察福建序

古者兵出於農井田制而兵寓焉要之七家一兵七征始一遍藏於田畝簡於暇日而調發於臨時故無召募之勞

無養兵之費均以便也漢南北軍唐府兵亦倣于此我

太祖遠稽近紹屯守之兵居然古意內地則屯八人守二人邊地則屯七人守三人衛五千人輸歲六石守人食月一石以歲輸克歲食二八則歲贏一萬二千石也三七則歲贏三千石也廩官之費民賦商征有餘辦矣夫何歲久弊滋今之兵額率耗其半田則故存也於是有贏丁之補種細民之租佃食之愈寡糧不贏以告乏何歟予嘗數發問而執事者不能告也釐正之方宜若可諗者圖籍鮮存畦畛數易故彊今鄙漫不省識考之甚難也吞隱者寧死不自實私市者物故冒民版者歲以深一家仰賴焉以

法復之則私直罔償公租無所豁一家之生事去矣此一怨也欲求其端必開告訐之門予嘗見督屯之使惟利得田希已功奸軍乘氣勢奪民產無控愬此一怨也豪右私屯田連頃畝無敢發其奸官治之則構扇謗讟此一怨也下官承上意爲出入亡可否彼售其私我賈其責此一怨也則是亦怨非亦怨我者若罔安于位况望之濟哉溧水范君應禎潔瑩慎績有榦局其在南京戶部有名今年以員外郎擢按察僉事 璽書督屯吾聞是固所熟試而驗矣因熟試晉新銜收有來効乾禦哉春官陳洪載述君論屯之政曰吾惟無適莫其間耳職屯必利屯若職民復

利民耶世豈有是亦示之以狹矣吾奚有倚哉屯是屯可也民是民可也屯是而詭之民則正而曲處之視故誤而軒輕焉除其租以上下其直毋泛濫清也必額以爲定毋遙度也必簿以爲憑毋偏任也必師以爲聽毋疏核也必差以爲察毋譟決也必詳以須之盡兵與民均也吾奚有倚哉吾仁存而義施焉額幸而足恥言功不足寧任其咎直之吾不知爲德繩之吾又惡辭爲怨哉予驚喜曰名之下無虛士哉是可惠吾閩矣抑宣力之任也 國家未無兵食之憂則有兵農故事然豈易言哉亦經世深念也

壽東園鄭公七十序

身素集卷之二
山受土而高也水受之而傾求溝澮其間不可得也海受水而深也土受之而澄求丘陵其間亦不可得也况望昂具瞻匯衆流以高以深以與天地相悠久者哉故受有所至而居有所宜人天地之受也其胎殯嬰札受之未至也其生鮮慧其境俱逆其居之未宜也則惡在于壽耶南京戶部侍郎仙溪鄭公東園軒特峻爽在翰林與晦庵少傅東白學士吾鄉井庵御史翠渠布政未軒僉事以經濟相許與公搜奇剔恠鏗發金石而深博醞藉益探以有既家食循義門家規藍田鄉約以自見治生養樹之術翕闡紆縮族是用裕起初官超拜浙江提學副使國子祭酒改南

京通政有今官闕達宣朗遇事時出新意才高物忌連疏

引歸

上倚注彌渥今年壽七十精強難老無異昔時

公子婿陳君在克馬文爲壽俊嘗疑仙溪山水之秀毓英鍾淑世宜有人而公生百年希闊之會鄭世宦門衣纓中落而公歸然以起山川之氣詩禮龐厚之澤之所均萃公將無得而辭者矣而又樹植以隆基藻繪以傑詞居高濳深章寵而優裕者完至筋骨不殊子孫滿膝下人世間無一拂意山林廊廟若進若退公奚處而不宜如岡如川之壽公亦奚靳而不躋其極哉俊貧病先老百不自謀視公如在天上莆完福亦鮮如公者受者弗專而居者未易盡

宜公獨不可自賀歟

贈查忠齋副東臺憲序

國家布局待士登其成任寄之弘上恩以霖霈逮下之澤百年而收旣然矣竟之不四三以副是無它工藻飾者落真源習權變者乏風節喜功立名則往往隨俗以化材實兼備難其人爾矣予任方泥變然頗以好賢名常思海內士執鞭焉晚得黃公公獻姚公英之王公道亨及吾查公原博忠齋皆足樹風猷殿翊名教世道幸賴焉忠齋潔已先物闇日章智不尚察辯難若無奇而績效之收如秋霜肅物有不出鈞陶之外非所謂謙謂恒無成有終之君子

歟舍憲吾聞久之擢副山東察使以去夫貞憲度臨制百司坊民欲而評事反固已試者况東古齊魯封地有周公之教化太公之政理孔子顏子孟子三數聖賢之心法具在俗易與而治固以易爲也頃者流寇蹂躪水禍爲患苦食生瘞死公私有餘累治未可以易言者廉濁身始也馴暴法始也坊淫約泰又風俗始也本之以貞持之以固終之以久焉不變之節道有固然者憲驂戾止今黃公爲巡撫姚公爲左轄王公爲總憲暨公四君子竝臨于東身率誠感濁不足汰也暴不足柔也荒不足慮也淫侈之俗其不足釐以正也立廣大之治功以成渾厚和平之治體以

無愆風範之素以盡還前正之舊使論治者必曰東曰東
論相觀而治者亦必曰自東自東而推原治始無獨四君
子自信予亦將與知賢之幸矣憲伯盧公伯居偕寅案諸
公屬予贈言附所私者如此

見素集卷之二

程